



REPUBLIKA E SHQIPERISE K U V E N D I

LIGJ

Nr. 9908, datë 24.4.2008

PER DISA NDRYSHIME DHE SHTESA NE LIGJIN NR 9362, Dt. 24.03.2005 “PER SHERBIMIN E MBROJTJES SE BIMEVE”

Në mbështetje të neneve 78 dhe 83 pika 1 të Kushtetutës, me propozimin e Këshillit të Ministrave,

KUVENDI

I REPUBLIKËS SË SHQIPËRISË

VENDOSI:

Në ligjin nr. 9362, datë 24.03.2005 “Për Shërbimin e Mbrojtjes së Bimëve”, bëhen këto ndryshime dhe shtesa:

Neni 1

Kudo ne ligj ndryshohen emertimet si me poshte:

- a) emërtimi “*Ministria e Bujqësisë dhe Ushqimit*” zëvendësohet me emërtimin “*Ministria, qe mbulon fushen e bujqesise*”.
- b) emërtimi “*Ministri i Bujqësisë dhe Ushqimit*” zëvendësohet me emërtimin “*Ministri, qe mbulon fushen e bujqesise*”.
- c) emërtimi “*Drejtoria e Mbrojtjes së Bimëve*” zëvendësohet me emërtimin “*Struktura Përgjegjëse e Mbrojtjes së Bimëve (SPMB)*”.
- d) emërtimi “*Drejtori i Mbrojtjes së Bimëve*” zëvendësohet me emërtimin “*Drejtuesi i Strukturës Përgjegjëse të Mbrojtjes së Bimëve*”.
- e) emërtimi “*Instituti i Kërkimeve Veterinare*” zëvendësohet me emërtimin “*Instituti i Sigurisë Ushqimore dhe Veterinarisë*”.
- f) emërtimi “*Instituti i Mbrojtjes se Bimeve*” zëvendësohet me emërtimin “*Departamenti i Mbrojtjes se Bimeve (DMB) ne Universitetin Bujqesor, Tirane*”.

Neni 2

Pas pikes 4, te nenit 2, shtohen pikat 4.1 dhe 4.2 me kete permbajtje:

“4.1. “PMB te rrezikshme” jane PMB-te e klasifikuara:

- a) eksplozive,
- b) oksidues,
- c) ekstremisht te ndezshem,
- ç) lehtesisht te ndezshem,
- d) te ndezshem,
- dh) shume helmues,
- e) helmues,
- ë) te demshem,
- f) gerryes
- g) irritante,
- gj) te ndjeshem,
- h) kancerogjene,
- i) mutagjene,
- j) helmues per riprodhimin,
- k) te rrezikshem per mjedisin.

4.2. “PMB me rrezik te larte” jane PMB-te e klasifikuara:

- a) shume helmues (te klases 1a oseT+),
- b) helmues (te klases 1b oseT),
- c) ekstremisht te ndezshem,
- ç) lehtesisht te ndezshem,
- d) te rrezikshem per mjedisin”.

Neni 3

Neni 3 ndryshohet si më poshtë:

“1. Shërbimi i Mbrojtjes se Bimëve përbëhet nga:

- a) Struktura Përgjegjëse e Mbrojtjes së Bimëve.
- b) Instituti i Sigurisë Ushqimore dhe Veterinarisë (ISUV).
- c) Departamenti i Mbrojtjes se Bimeve (DMB) ne Universitetin Bujqesor, Tirane, ne vartesi te ministriise te Arsimit dhe Shkences.”.

Neni 4

Neni 5 ndryshohet si më poshtë:

“Neni 5

Labororet e references dhe Labororet e Autorizuar te kontrollit

1. Laboratore reference jane:

- 1.1. Labororet e diagnostikimit te parazitëve prane Departamentit te Mbrojtjes se Bimeve (DMB) ne Universitetin Bujqesor, Tirane, te cilet kane per detyre:

- a. të monitorojnë parazitët karantinorë, të përcaktojnë statusin e tyre, metodat e kontrollit karantinor dhe të njoftojnë Ministrinë që mbulon fushën e bujqesise;
 - b. të bëjnë diagnostikimin dhe prognozë-sinjalizimin e parazitëve, duke përcaktuar edhe masat e luftimit të tyre;
 - c. të bëjnë provat biologjike-agronomike të PMB-ve, gjatë procedurës për regjistrimin e tyre.
- 1.2. Laboratori i analizave cilësore të PMB-ve, si dhe i mbetjeve të tyre, pranë Institutit të Sigurisë Ushqimore dhe Veterinarisë (ISUV), i cili ka për detyrë:
- a. të bëjë analizat fiziko-kimike të PMB-ve gjatë procedurës së regjistrimit të tyre;
 - b. të bëjë kontrollin cilësor të PMB-ve si dhe të mbetjeve të tyre në bimët dhe produktet bimore.
2. Krahas detyrave të përcaktuara në pikat 1.1 dhe 1.2, laboratorët e referencës duhet, gjithashtu:
- a. të bëjnë vlerësimin e laboratorëve të autorizuar të kontrollit, nëse janë të pajisur për kryerjen e analizave për kontrollin zyrtar. Ky vlerësim shërben për autorizimin e tyre nga ministri, që mbulon fushën e bujqesise;
 - b. të bashkërendojnë punën dhe të ofrojnë mbështetje, përfshirë trajnime dhe shërbime të tjera për veprimtaritë laboratorike, për standartet teknike dhe menyrat e analizave, që ato kryejnë;
 - c. të organizojnë teste paralele të mostrave të standartizuara dhe të marrin pjesë në të një nivel kombëtar dhe ndërkombëtar për monitorimin e kualifikimit të laboratorëve të autorizuar të kontrollit;
 - ç. të garantojnë se laboratorët e autorizuar të kontrollit përdorin sistemin e tyre të brendshëm, në përputhje me standartet e kërkuara.
3. Për zbatimin e detyrave të përcaktuara në pikën 1.1 të këtij neni, ministria, që mbulon fushën e bujqesise lidh marrëveshje kontraktuale (kontrate) me Ministrinë e Arsimit dhe Shkencës”.
4. Laboratorët e autorizuar të kontrollit miratohen nga ministri, që mbulon fushën e bujqesise, pas vlerësimit të kryer nga laboratorët e referencës. Si laboratorë të autorizuar të kontrollit shërbejnë laboratorët e mbrojtjes së bimeve pranë DRBUMK-së të qarqeve, si dhe ato private, nëse plotësojnë kërkesat e përcaktuara në pikën 2 të këtij neni.
5. Kriteret, që duhet të plotësojnë laboratorët e autorizuar të kontrollit për t’u miratuar, procedurat e miratimit si dhe analizat, që kryejnë, përcaktohen me udhëzim të ministrit, që mbulon fushën e bujqesise.
6. Tarifat e analizave, që kryhen nga laboratorët e referencës dhe laboratorët e autorizuar të kontrollit përcaktohen me udhëzim të perbashkët të ministrit, që mbulon fushën e bujqesise dhe të Ministrit të Financave.”.

Neni 5

Në nenin 21 shtohet një paragraf me këtë përmbajtje:

“Në Republikën e Shqipërisë regjistrohen vetëm PMB-të, të cilat janë të regjistruara në vendet e Bashkimit Europian.”.

Neni 6

Ne nenin 23 behen keto ndryshime:

a) Pika 2 ndryshohet si me poshte:

“2. Importimi i PMB-ve te regjistruara, te klasifikuara “PMB te rrezikshme” dhe “PMB me rrezik te larte” kryhet me leje importi, te leshuar nga drejtuesi i struktures pergjegjese te mbrojtjes se bimeve, ndersa importimi i PMB-ve te tjera kryhet sipas parimit te autodeklarimit.”.

b) Pika 3 ndryshohet si me poshte:

“3. Tregtimi i PMB-ve te regjistruara, te klasifikuara “PMB te rrezikshme” dhe “PMB me rrezik te larte”, kryhet me leje tregtimi, te leshuar nga drejtori i DRBUMK-se ne qark, ndersa tregtimi i PMB-ve te tjera kryhet sipas parimit te autodeklarimit.”.

c) Pas pikes 3 shtohet pika 4 me kete permbajtje:

“4. Formulari i autodeklarimit per importin e PMB-ve dorëzohet në Ministrine, qe mbulon fushen e bujqesise, ndërsa formulari për tregtimin e tyre dorëzohet në DRBUMK-ne e qarkut.”.

Neni 7

Në nenin 25, pika 2 ndryshohet si me poshte:

“2. PMB-te e klasifikuara “PMB me rrezik te larte” perdoren vetem nga personat e permendura ne piken 1 si dhe ata, qe jane te pajisur me deshmi aftesie te veçante. PMB-te e klasifikuara “PMB te rrezikshme” perdoren nga persona te pajisur me deshmi aftesie, ndersa ato te klasifikuara “PMB te tjera” perdoren pa deshmi.”.

Neni 8

Në nenin 27 behen keto shtesa:

a) Ne piken 8, pas fjaleve “në kundërshtim me kërkesat e nenit 23”, shtohen fjalet “pikat 2, 3 e 4”.

b) Pas pikes 10 shtohet pika 11 me këtë përmbajtje:

“11. Importimi dhe tregtimi i PMB-ve, në kundërshtim me kërkesat e pikes 1 te nenit 23, të këtij ligji.”.

Neni 9

Në fund te nenit 28 shtohen pikat 5 dhe 6 me këtë përmbajtje:

“5. Për kundërvajtjet administrative të parashikuara në pikën 11 të nenit 27, të këtij ligji, jepet dënim me gjobë 50 000 lekë, si dhe detyrohet subjekti të kthejë PMB-të në vendin e origjinës së marrjes së tyre.

6. Në rast përsëritjeje të kundërvajtjeve administrative të parashikuara në pikat 8 e 9 të nenit 27, të këtij ligji, subjektit i jepet dënim me gjobë 50 000 lekë dhe i hiqet e drejta e importimit ose e tregtimit të PMB-ve.”.

Neni 10

Ngarkohet Ministri i Bujqesise, Ushqimit dhe Mbrojtjes se Konsumatorit qe, brenda 9 muajve nga hyrja ne fuqi e ketij ligji, te beje rivleresimin e regjistrimeve te PMB-ve te kryera, sipas kerkesave te parashikuara ne kete ligj.

Neni 11

Ky ligj hyn në fuqi 15 ditë pas botimit në Fletoren Zyrtare.

KRYETARE

Jozefina TOPALLI